

**'Occupy' pejabat MB lepas 36 pucuk surat gagal
MalaysiaKini.com
9 Julai, 2012**

Sekumpulan penduduk Cameron Highlands akan berhimpun di hadapan pejabat Menteri Besar Pahang esok bagi menyatakan bantahan terhadap pelbagai isu, termasuk pembinaan insinerator sampah RM38 juta di Blue Valley.

Setiausaha Agung Parti Sosialis Malaysia (PSM) S Arutchelvan (bawah) berkata, aktivis parti bersama 40 penduduk akan berkumpul bermula jam 11 pagi esok.

NONE"Setelah banyak memorandum dihantar dan banyak mesyuarat diadakan dengan pihak kerajaan selama empat tahun, nampaknya masalah penduduk Cameron masih tidak selesai," kata Arutchelvan.

Katanya, sudah menghantar 17 pucuk surat kepada pejabat daerah Cameron, termasuk tujuh kali perjumpaan; sebanyak 15 pucuk kepada menteri besar dan empat pucuk lagi kepada perdana menteri.

Selain pembinaan insinerator yang diimbangi menjejaskan alam sekitar, pelbagai masalah melibatkan perumahan penduduk dan pemilikan tanah di kawasan tinggi itu turut dibangkitkan.